

國文教學

五冊

初級中學用

本教文國

本書科基
教

第五冊

編甫頤周

校培元蔡

商務印書館發行



中華民國二十一年十月初版

(二〇〇二七)

初級中學用

基
科
本
國
文
教
本
六
冊

第五冊定價大洋柒角伍分

外埠酌加運費匯費

版權所有

翻印必究

編纂者

校訂者

發行人

印刷者

發行所

周

蔡

王

商

商

顧

元

雲

印

印

甫

培

五

館

館

上海河南路

上海及各埠

基本教科書
初級中學用
國文教本第五冊

目錄

一	臨時大總統就職宣言	孫文	一
二	告友邦人民書	蔣中正	一一
三	致鐵良書	張謇	一六
四	綠天	蘇梅	二〇
五	項脊軒志	歸有光	三一
六	阿爾薩斯之重光	劉復驊	三五
七	亞爾莎士洛林兩州遊記	梁啟超	四三
八	頭髮的故事	魯迅	六〇
九	對於北京國民裁兵運動大會的感想	梁啟超	六八
一〇	詞兩首	梁九植 蘇軾	七七
一一	茅屋爲秋風所破歌	杜甫	八〇
一二	秋風辭	漢武帝	八二

一四	景德鎮	黃炎培	八四
一五	震澤之農民	張祖陸	九一
一六	改革鹽法意見書	張謇	九七
一七	布魯達斯刺殺愷撒後演說詞	闕名	一〇五
一八	波特列亨利抗英演說詞	闕名	一〇九
一九	歡宴中國國民黨第一次全國代表詞	孫文	一一六
二〇	知行合一新解	胡懷琛	一二一
二一	津浦車中一個女孩子	孫伏園	一二六
二二	張誠	蒲松齡	一三一
二三	誠兒子嚴敦書	馬援	一三九
二四	訓儉示康	司馬光	一四二
二五	小小的一個人	周作人譯	一四八
二六	父親在亞美利加	周作人譯	一五八

二七	責己重而責人輕	蔡元培	一六六	四三	失業	劉復譯	二五七
二八	與蔣瀛海書	羅澤南	一七〇	四四	現代社會生活的本體	戴傳賢	二七〇
二九	建築	蔡元培	一七五	四五	詞四首	陸游 岳飛 辛棄疾	二八五
三〇	永寧寺	楊街之	一七八	四六	杜威論思想	胡適	二八九
三一	給青年的一封信	朱光潛	一八四	四七	思想解放	梁啟超	三〇三
三二	祝你奮鬥到底	謝婉瑩	一八九	四八	徹底	梁啟超	三〇八
三三	新生命發刊詞	陳布雷	一九九	四九	打破思想界的四種迷信	饒上達	三一二
三四	與妻訣別書	林覺民	二〇四	五〇	濟南	劉鶚	三一九
三五	復妻書	吳樹	二〇八	五一	打冰	劉鶚	三三〇
三六	李波小妹歌	關名	二一五	五二	與顧章書	吳均	三三六
三七	木蘭辭	關名	二一六	五三	山中與裴迪秀才書	王維	三三八
三八	青年與工具	吳敬恆	二一九	五四	母弟溫甫哀詞	曾國藩	三四一
三九	勤工儉學	吳敬恆	二三〇	五五	祭朱竹君學士文	姚鼐	三五〇
四〇	用機器殖財養民說	薛福成	二三八	五六	酸棗盟文	臧洪	三五二
四一	論分功之效	復譯	二四〇	五七	就臨時大總統職誓文	孫文	三五五
四二	農器促進大同	吳敬恆	二四九	五八	父母書	王羲之	三五六

基本教科書
初級中學用

國文教本第五冊

冊目

一 臨時大總統就職宣言

孫文

中華民國締造之始，而以不佞膺臨時大總統之任，夙夜戒懼，慮無以副國民之望。夫中國專制政治之毒，至二百餘年來而滋甚。一旦以國民之力，踣而去之，起事不過數旬，光復已十餘行省，自有歷史以來，成功未有若是之速也。國民以爲於內無統一之機關，於外無對待之主體，建設之事，刻不容緩；於是以組織臨時政府之責相屬。自推功讓能之觀念以言，文所不敢任也；自服務盡職之觀念以言，文所不敢辭也。是用黽勉，從國民之後，盡掃專制之流毒，確定共和，普利民生，以達革命之宗旨，完國民之志願，端在今日。敢披肝瀝胆，爲國民告：

國家之本，在於人民。合漢、滿、蒙、回、藏諸地爲一國，如合、漢、滿、蒙、回、藏諸民族爲一人。是曰民族之統一。

武漢首義，十數行省，先後獨立。所謂獨立者，對於滿清爲脫離，對於各省爲聯合。蒙古、西藏，意亦同此。行動既一，決無岐趨。樞機成於中央，斯經緯周於四至。是曰領土之統一。

血鐘一鳴，義旗四起，擁甲帶戈之士，徧於十餘行省，雖編制或不一，號令或未齊，而目的所在，則無不同。由共同之目的，以爲共同行動，整齊劃一，夫豈甚難？是曰軍政之統一。

國家幅員遼闊，各省自有其風氣所宜。前此清廷，強以中央集權之法行之，以遂其僞立憲之術。今者各省聯合，互謀自治。此後行政，期於中央政府與各省之關係，調劑得宜。大綱既絜，條目自舉，是曰內治之統一。

滿清時代，藉立憲之名，行斂財之實，雜捐苛細，民不聊生。此後國家經費，取給於民，必期合於理財學理，而尤在改良社會組織，使人民知有生之樂。是曰財政之統一。

以上數者，爲行政之方針，持此進行，庶無大過。若夫革命主義，爲吾儕所倡言，萬國所同喻，前此雖屢起屢墮，外人無不鑒其用心。八月以來，義旗颺發，諸友邦對之，抱平和之望，持中立之態，而報紙及輿論，尤表同情。鄰誼之篤，良足深謝。臨時政府成立以後，當盡文明國應盡之義務，以期享文明國應享之權利。滿清時代辱國之舉措，及排外之心理，務一洗而去之。持平和主義，與我友邦益增親睦，使中國見重于國際社會，且將使世界漸趨於大同。循序以進，不爲倖獲。對外方針，實在于是。

夫民國新建，外交內政，百緒繁生。文顧何人，而克勝者？然而臨時政府，革命時代之政府也。十餘年來，以至今日。從事於革命者，皆以誠摯純潔之精神，戰勝其所遇之艱難。即使後此之艱難，遠逾於前日，而吾人唯保此革命之精神，一往無阻，必使中華民國基礎，確立於大地，而後臨時政府之職務始盡，而吾人始可告無罪于國民也。今以與我國民初相見之日，披布腹心，惟我四萬萬同胞鑒之。

【注解】

臨時大總統 民國紀元年前一年十月十日（即辛亥八月十九日）革命黨起義武昌，各地黨人皆響應。四旬之間，湖南、江西、陝

西、山西、雲南、安徽、江蘇、浙江、廣東、廣西、福建、山東、四川十三省以次光復；此外若奉天、貴州、甘肅、新疆等省，亦紛紛獨立，與武昌一致。於

是各省派代表會議於上海、漢口，議決設臨時政府於南京。各省代表遂開選舉會於南京，選舉孫中山先生為臨時大總統。孫先生於

民國元年一月一日赴南京就任，發布宣言書。故此宣言為民國第一任元首第一篇文字。締造猶建立也。不佞自稱之詞，謙言

不才也。膺受也。二百餘年自滿清入關，至辛亥武昌起義，凡二百六十八年。踣音亡，仆也。黽勉強勉也。調劑

如調味之使得其宜也，劑音一。繫音丁世，猶結也，挈也。躓音申，有所阻礙而顛仆也。左傳宣公十五年「及輔氏之役，顛見老

人結草以亢杜回，杜回躓而顛，故獲之。」國際社會 國與國之交際社會也。大同同

猶和也，平也。禮記禮運「是之謂大同。」

【修辭提示】

文體 本篇係文言應用文。按應用文可以記敘，可以抒情，可以說明，可以議論，已於第四冊中提過。本篇

即所以說明對內對外之方針者，謂之應用的說明文，或說明的應用文，皆無不可。又對外宣言，如一八

一三年美總統門羅宣言，一九二一年俄代表加拉罕對華宣言，雖非條約，在國際間亦有效力可言。至

如一國元首之對內宣言，與下行公牘中之布告相似，公牘中之布告，於宣布事實，或有所告誡時用之；

宣言則爲政府政黨，或任何團體任何個人用以宣示其政治主張，或其他意見於大眾者。故其爲文當明白曉暢，「用字不可深僻，造語不可尖新。」（徐師曾文章辨體中語）

組織 行文組織，起筆正文綜結三者層次最宜分清。本篇題面爲「臨時大總統就職」，故首節先謙言「慮無以副國民之望」，隨即說明大革命時對內對外不可無臨時政府，及其所以就任臨時大總統而「不敢辭」者。於是提出「確定共和，普利民生」至「爲國民告」數語，以開下文。

二三四五六各節，分別說明「民族統一」「領土統一」「軍政統一」「內治統一」「財政統一」「五事」。

第七節總述以上五事，爲對內方針；因遂說明「對外方針」爲「持和平主義」，以求增進中國國際地位，促成世界大同。

至此而政府對內對外之方針已明，故末節略提「文顧何人」數語以與首節謙遜之辭相呼應；隨復說明所以貫徹其方針，以確立民國基礎，而自盡其職分者，乃爲十餘年來戰勝艱難之「革命精神」此不獨表示革命領袖之人格，即上述各節亦因此而皆有照應。結語「惟我四萬萬同胞鑒之」，明此爲對內宣言，且與布告有別。

尤當注意者，本篇詳於對內，而略於對外，文之體例宜爾，亦以二十年來國內分崩離析之局，孫先生

先見之矣。

詞藻 虛詞須求的當，句法須求整飭。如本篇「起事不過數旬，光復已十餘行省，」「不過」與「已」相映，益見「成功之速。」又如「自推功讓能之觀念以言，文所不敢任也；自服務盡職之觀念以言，文所不敢辭也。」『合漢滿蒙回藏爲一國，如合漢滿蒙回藏諸民族爲一人。』語尤整飭。

二 中國國民黨第一次全國代表大會宣言

一 中國之現狀

中國之革命，發軔於甲午之後，盛於庚子，而成於辛亥，卒顛覆君政。夫革命非能突然發生也。自滿洲入據中國以來，民族間不平之氣，抑鬱已久。海禁既開，列強之帝國主義，如怒潮驟至，武力的掠奪與經濟的壓迫，使中國喪失獨立，陷於半殖民地之地位。滿洲政府，既無力以禦外侮，而鉗制家奴之政策，且行之益厲，適足以側媚列強。吾黨之士，追本黨總理孫先生之後，知非顛覆滿洲，無由改造中國，乃奮然而起，爲國民前驅，激進不已，以至於辛亥，然後顛覆滿洲之舉，始告厥成。故知革

命之目的，非僅在於顛覆滿洲而已，乃在於滿洲顛覆以後，得從事於改造中國。依當時之趨向，民族方面，由一民族之專橫宰制，過渡於諸民族之平等結合；政治方面，由專制制度，過渡於民權制度；經濟方面，由手工業的生產，過渡於資本制度的生產。循是以進，必能使半殖民地的中國，變而為獨立的中國，以屹然於世界。

然而當時之實際，乃適不如所期，革命雖號成功，而革命政府所能實際表現者，僅僅為民族解放主義。曾幾何時，已為情勢所迫，不得已而與反革命的專制階級謀妥協，此種妥協，實間接與帝國主義相調和，遂為革命第一次失敗之根源。夫當時代表反革命的專制階級者，實為袁世凱，其所挾之勢力，初非甚強。而革命黨人乃不能勝之者，則為當時欲竭力避免國內戰爭之延長；且尙未能獲一有組織、有紀律、能了解本身之職任與目的之政黨故也。使當時而有此政黨，則必能抵制袁世凱之陰謀，以取得勝利，而必不致為其所乘。夫袁世凱者，北洋軍閥之首領，時與列強勾結，一切反革命的階級，如武人官僚輩，皆依附之以求生存。而革命黨人，

乃以政權讓于彼，其致失敗，又何待言？

袁世凱既死，革命之事業，仍屢遭失敗。其結果使國內軍閥暴戾恣睢，自爲刀俎，而以人民爲魚肉，一切政治上民權主義之建設，皆無可言。不特此也，軍閥本身，與人民利害相反，不足以自存。故凡爲軍閥者，莫不與列強之帝國主義發生關係。所謂民國政府，已爲軍閥所控制；軍閥卽利用之，結歡於列強，以求自固；而列強亦卽利用之，資以大借款，充其軍實，使中國內亂，糾紛不已，以獲取利權，各占勢力範圍。由此點觀察，可知中國內亂，實有造於列強，列強在中國利益相衝突，乃假手於軍閥，殺吾民以求逞。不特此也，內亂又足以阻滯中國實業之發展，使國內市場，充斥外貨。坐是之故，中國之實業，卽在中國境內，猶不能與外國資本競爭。其爲禍之酷，不止吾國人政治上之生命爲之剝奪，卽經濟之生命亦爲之剝奪無遺矣。環顧國內，自革命失敗以來，中等階級，頻經激變，尤爲困苦。小企業家漸趨破產，小手工業者漸致失業，淪爲流氓，流爲兵匪；農民無力以營本業，以其土地廉價售人，生活

日以昂，租稅日以重。如此慘狀，觸目皆是，猶得不謂爲已瀕絕境乎？

由是言之：自辛亥革命以後，以迄於今，中國之情況，不但無進步可言，且有江河日下之勢。軍閥之專橫，列強之侵蝕，日益加厲，令中國深入半殖民地之黑暗地獄。此全國人民所爲疾首蹙額，而有識者所以徬徨日夜，急欲爲全國人民求一生路者也。

(下略)

【注解】

中國國民黨第一次全國代表大會 國民黨有歷史四十年：初爲興中會，創始於民國紀元前二十年（前清光緒十八年壬辰）；繼爲同盟會，成立於民國紀元前七年（前清光緒三十一年乙巳）；民國元年八月，始改爲國民黨；三年七月，改組爲中華革命黨；八年十月，改稱爲中國國民黨；十二年十一月，發表中國國民黨改組宣言；十三年一月，開第一次全國代表大會於廣州。發軔於甲午以後，輒音曰「以木支輪而止其轉者曰輒」。故車始啓行曰「發軔」，車始發動亦曰「發軔」。興中會雖創始於民國紀元前二十年（壬辰），而甲午中日戰爭後一年（乙未秋）廣州之役，實爲中國革命黨第一次起義。盛於庚子，孫中山先生《中國革命史》「迄于庚子……長江會黨及兩廣、福建會黨，始併合於興中會……庚子以後……士林中人，皆以革命爲大逆無道，去之若浼者，至是亦稍稍動念矣。及乎乙巳……而中國同盟會於以成立」。於是革命軍起，連年不絕。

鉗制以勢制人，如以鉗

錯物。

側媚爲僻側之事以媚人。

暴戾恣睢，凶暴惡戾，恣意怒視也。史記伯夷列傳：「盜跖日殺不辜，肝人之肉，暴戾恣睢。」

刀俎魚肉，魚肉任人宰割，刀爲宰割之器，俎卽俗稱砧板也。史記項羽本紀：「樊噲曰：『如今人方爲刀俎，我爲魚肉。』」

疾首

蹙額疾首，怨恨之貌，蹙額，心有所愁悶，而鼻壘蹙斂也，猶俗言「皺眉」。孟子：「舉疾首蹙額而相告。」

【修辭提示】

文體 本篇與上篇同一體裁。上篇爲一國元首於就任時宣示其對內對外之方針與革命精神；本篇則

爲一政黨因國內革命潮流之高漲，宣示其主義與政綱，以領導革命。

組織 宣言全文，分爲三章：（一）中國之現狀，（二）國民黨之主義，（三）國民黨之政綱。茲以全文

過長，僅錄第一章之前四節（後數節批評各派之主張，亦限於篇幅，不錄。）以說明「中國現狀」爲主。

第一章第一節說明中國革命原因，在於滿洲政府壓制漢族以媚列強，與列強之帝國主義壓迫中國，使其獨立，而淪爲殖民地。故中國革命之目的，不僅在於覆滿，尤在於覆滿以後，得從民族方面，政治方面，經濟方面，謀中國之改造，使半殖民地的中國，變爲獨立的中國。此一節已包括宣言全文。第

二節說明革命第一次失敗之根源，在與國內反革命的專制階級妥協，而間接實與帝國主義調和。

第三節說明袁世凱死後國內軍閥與列強之帝國主義互相勾結，控制政府，延長內亂，以剝奪我國人政治生命與經濟生命，使全國中等階級瀕於絕境。第四節總結上文，而以「有識者急欲爲全國人

民求一「生路」一語引起下文對於各派之批評及國民黨之主義與政綱。

詞藻 本篇極多精緊之句。起首「中國之革命，發軔於甲午之後，盛於庚子，而成於辛亥，卒顛覆君政。」

寥寥數語，將辛亥以前十餘年之革命運動，概括無遺，最爲簡練。

三 告友邦人民書

蔣中正

中國之自由獨立，關係於全世界之和平，此今日中外有識之士所共信者也。蓋以中國土地之大，人民之衆，物產之富，而不能在國際上取得自由平等之地位，則懷抱野心，希圖擾亂東亞，破壞世界和平者，必伺隙而動，冀遂其侵略兼併之欲望，自不待言。頻年以來，中國內亂不息，戰禍相尋，亦正以軍閥得帝國主義者之後援，軍械輸入，源源不絕，祕密貸款，時有所聞；因而軍閥武力統一之迷夢始終不得覺醒，悍然與革命勢力頑抗，以延長中國之內亂。此非祇增加中國人民之痛苦，亦且妨礙國際間任何正當事業之進行，凡僑居中國以及關心於中國之友邦人士，早爲之戚然不安矣！

若使此不幸之局勢，更延長至若干時，而甘心賣國之軍閥於日暮途窮之際，益復倒行逆施，不惜拋棄中國主權，或竟因赤色帝國主義者之威脅利誘，而樂與之勾結，則其禍更將不知所屆。東亞均勢之局既破，列強逐鹿之心益切，其因中國問題而引起全世界第二次大戰，殆爲必然之事。此世界第二次大戰，將首以東亞爲戰場，而世界各強國皆將捲入漩渦，其禍必更烈於世界第一次大戰。蓋中國問題與世界關係之重要，視巴爾幹問題爲甚；而中國終不能忍受列強之任意處分，亦非巴爾幹諸小國之比；將流全世界之血，而仍無以解決之也。

中國問題祇有中國人自己解決之。中國國民黨孫總理之致力於國民革命，與國民革命軍繼承孫總理遺志而舉兵北伐，皆所以謀中國問題之正當解決；直接爲中國國民自求獨立自由之權利，而間接即所以促進世界之和平。蓋軍閥爲中國和平統一之梗，亦卽爲帝國主義者侵略中國之俚；軍閥不翦滅，則中國統一不可期，中國人不得安，列強在中國之角逐亦不得息。故國民革命之目的在求中